

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“, broj 7/10) na prijedlog Ministarstva za rad, socijalnu politiku i izbjeglice i Ministarstva finansija, Vlada Zeničko-dobojskog kantona na 42. sjednici održanoj dana 09.02.2016. godine, d o n o s i

## ZAKLJUČAK

### I.

Prihvataju se mišljenja Ministarstva za rad, socijalnu politiku i izbjeglice i Ministarstva finansija na predloženi Nacrt Zakona o izmjenama i dopunama Zakona o zaštiti od nasilja u porodici („Službene novine Federacije BiH“, broj: 20/13).

### II.

Stav Vlade Zeničko-dobojskog kantona iz tačke I. ovog zaključka upućuje se u dalju skupštinsku proceduru.

### III.

Zaključak stupa na snagu danom donošenja.

Broj: 02-\_\_\_\_\_/16  
Datum, 09.02.2016. godine  
Z e n i c a

**PREMIJER**  
*Miralem Galijašević*

**DOSTAVLJENO:**

1x Ministarstvo za rad, socijalnu politiku i izbjeglice,  
1x Ministarstvo finansija,  
1x Stručna služba Skupštine,  
1x a/a.

## *O b r a z l o ž e n j e*

### **Pravni osnov:**

Pravni osnov za donošenje ovog Zaključka sadržan je u članu 16. Stav 4 Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“, broj 7/10).

### **Razlozi za donošenje zaključka:**

Skupština Zeničko-dobojskog kantona je aktom broj: 01-02-23098-2/15 od 06.01.2016. godine zatražila mišljenje ovog Ministarstva na predloženi Nacrt Zakona o izmjenama i dopunama Zakona o zaštiti od nasilja u porodici.

Ministarstvo za rad, socijalnu politiku i izbjeglice Zeničko-dobojskog kantona sačinilo je mišljenje kojim podržava predloženi Nacrt Zakona o izmjenama i dopunama Zakona o zaštiti od nasilja u porodici.

Ministarstvo finansija Zeničko-dobojskog kantona sačinilo je mišljenje kojim u principu podržava predloženi Nacrt Zakona o izmjenama i dopunama Zakona o zaštiti od nasilja u porodici, uz sugestiju da se preciznije zakonom uredi način finansiranja sigurnih kuća uz uslov da to ne podrazumijeva dodatno izdvajanje sredstava iz Budžeta Zeničko-dobojskog kantona.

### **Finansijska sredstva:**

O finansijskim sredstvima za donošenje i provođenje ovog Zakona moći će se izjasniti po izradi ekonomske analize kako je to naznačeno u Mišljenju ministarstava.

05-01/09.07.16 Z  
05-03/09.01.16. AG

BOSNA I HERCEGOVINA  
FEDERACIJA BOSNE I HERCEGOVINE  
FEDERALNO MINISTARSTVO PRAVDE  
SARAJEVO

BOSNIA AND HERZEGOVINA  
FEDERATION OF BOSNIA AND HERZEGOVINA  
FEDERAL MINISTRY OF JUSTICE  
SARAJEVO

Broj: 02-49-7817/15  
Sarajevo, 25.12.2015. godine

ZI: IC	KANTON
el: 31-12-2015	
l.	broj priloga
01+02	23098
	115

SKUPŠTINE KANTONA OD 1-10  
n/r predsjedavajućih

PREDMET: Mišljenje na Nacrt zakona o izmjenama i dopunama Zakona  
o zaštiti od nasilja u porodici- traži se

Postupajući u skladu sa Zaključkom Predstavničkog doma Parlamenta Federacije Bosne i Hercegovine, broj: 01-02-1563/15 od 07.12.2015. godine, kojim se predlaže Zakon o izmjenama i dopunama Zakona o zaštiti od nasilja u porodici obavezuje da navedeni Nacrt zakona dostavi kantonalnim skupštinama radi davanja mišljenja, u prilogu ovog akta dostavljamo vam tekst Zakona o izmjenama i dopunama Zakona o zaštiti od nasilja u porodici da isti razmotrite i predlagaču Zakona dostavite svoje mišljenje.

S poštovanjem,

DOSTAVITI:

1. Naslovu x10
2. a/a



05-01/06 01/16 M

BOSNA I HERCEGOVINA  
FEDERACIJA BOSNE I HERCEGOVINE  
FEDERALNO MINISTARSTVO PRAVDE  
SARAJEVO

BOSNIA AND HERZEGOVINA  
FEDERATION OF BOSNIA AND HERZEGOVINA  
FEDERAL MINISTRY OF JUSTICE  
SARAJEVO

Broj: 02-49-7817-1/15  
Sarajevo, 04.01.2016. godine

SKUPŠTINA ŽENIČKO - DOBOJSKI KANTONA			
Primijeno:		06 - 01 - 2016	
Org. jed.	Broj	Prilog	Vrijednost
01	02	23098-1/16	

SKUPŠTINE KANTONA OD 1-10  
n/r predsjedavajućih

PREDMET: Mišljenje na Nacrt zakona o izmjenama i dopunama Zakona  
o zaštiti od nasilja u porodici- traži se

Vežano za akt ovog ministarstva broj: 02-49-7817/15 od 15.12.2015. godine, u  
prilogu vam dostavljamo tekst Zakona o izmjenama i dopunama Zakona o zaštiti od  
nasilja u porodici da isti razmotrite i predlagaču Zakona dostavite svoje mišljenje.

S poštovanjem,

DOSTAVITI:

1. Naslovu x10
2. a/a

MINISTAR

Mato Jozic



**Bosna i Hercegovina**  
**FEDERACIJA BOSNE I HERCEGOVINE**  
**FEDERALNO MINISTARSTVO PRAVDE**  
**S A R A J E V O**

**- PREDNACRT -**

**ZAKON**  
**O IZMJENAMA I DOPUNAMA ZAKONA O**  
**ZAŠTITI OD NASILJA U PORODICI**

**Sarajevo, septembar 2015. godine**

**ZAKON  
O IZMJENAMA I DOPUNAMA ZAKONA  
O ZAŠTITI OD NASILJA U PORODICI**

**Član 1.**

U Zakonu o zaštiti od nasilja u porodici („Službene novine Federacije BiH“, 20/13), u članu 2. iza stava 3. dodaje se novi stav 4. koji glasi:

„Sigurna kuća, u smislu ovog zakona, je poseban oblik podrške kojom se obezbjeđuje siguran, privremeni smještaj i pomoć žrtvama nasilja u porodici, kojima je ugrožen život i kojima se zaštita i sigurnost ne mogu pružiti u njihovom domu.“

Dosadašnji stav 4. postaje stav 5.

**Član 2.**

Član 35. mijenja se i glasi:

„Član 35.

Sigurne kuće i način finansiranja privremenog zbrinjavanja žrtava nasilja u sigurnoj kući

Sigurna kuća se osniva u skladu sa Zakonom o ustanovama („Službeni list RBiH“, br. 6/92, 8/93 i 13/94).

Sredstva za finansiranje privremenog zbrinjavanja žrtve nasilja u sigurnoj kući osiguravaju se iz Budžeta Federacije BiH u iznosu od 70% i iz budžeta kantona 30%, od utvrđene cijene smještaja žrtve nasilja u sigurnoj kući.

Odluku o visini cijene privremenog zbrinjavanja žrtve nasilja u sigurnoj kući donosi federalni ministar rada i socijalne politike za svaku kalendarsku godinu, po osnovu koje se planiraju i obezbjeđuju sredstva na način propisan stavom 2. ovog člana, a na temelju planiranih sredstava i u skladu sa članom 54. Zakona budžetima u Federaciji Bosne i Hercegovine („Službene novine Federacije BiH“, br.102/13,9/14,13/14 i 8/15.

Federalno ministarstvo rada i socijalne politike i kantonalna ministarstva nadležna za oblast socijalne zaštite dužna su u svom budžetu predvidjeti i obezbijediti sredstva iz stava 2. ovog člana.

Sredstva za finansiranje privremenog zbrinjavanja žrtve nasilja u sigurnoj kući iz stava 2. ovog člana namijenjena su osiguranju smještaja, podrške i pomoći žrtvama nasilja u porodici i ista se ne mogu koristiti u druge svrhe, a osnivač sigurne kuće preuzima prava, obaveze odgovornosti osnivača u smislu finansiranja rada i poslovanja sigurne kuće.

Pravilnik o uslovima prostora, opreme i kadra za sigurne kuće i registru sigurnih kuća u Federaciji Bosne i Hercegovine, propisat će federalni ministar rada i socijalne politike u roku od šest mjeseci od dana stupanja na snagu ovog zakona.

Status sigurne kuće stiče se izdavanjem rješenja kojim se potvrđuje da su ispunjeni uslovi iz stava 6. ovog člana i upisom u Registar, koji vodi Federalno ministarstvo rada i socijalne politike.

Na rješenje iz stava 7. ovog člana nije dopuštena žalba, ali se može pokrenuti upravni spor u roku od 30 dana od dana dostavljanja rješenja.

Nadzor nad stručnim radom sigurne kuće vrši stručna komisija koju formira federalni ministar rada i socijalne politike.

Pravilnik o stručnom nadzoru iz stava 9. ovog člana donijet će federalni ministar rada i socijalne politike, u roku od šest mjeseci od dana stupanja na snagu ovog zakona.“

### **Član 3.**

Sigurne kuće organizirane u skladu sa ranije važećim propisima, dužne su da svoju organizaciju i rad usklade sa odredbama ovog zakona, u roku od tri godine od dana stupanja na snagu ovog zakona.

### **Član 4.**

Ovaj zakon stupa na snagu osmog dana od dana objavljivanja u "Službenim novinama Federacije BiH".



Broj: 07/02-02-23098-2-1/15  
Zenica, 27.01.2016. godine

## **SKUPŠTINA ZENIČKO-DOBOJSKOG KANTONA**

**PREDMET:** Mišljenje na Nacrt Zakona o izmjenama i dopunama  
Zakona o zaštiti od nasilja u porodici – *dostavlja se*

Ministarstvo finansija je razmotrilo Nacrt Zakona o izmjenama i dopunama Zakona o zaštiti od nasilja u porodici, te u skladu sa članom 31. stav (1) tačka c) Poslovnika o radu Vlade Zeničko-dobojskog kantona („Službene novine Zeničko-dobojskog kantona“, broj: 5/11), u pogledu finansijskih sredstava potrebnih za izvršenje propisa, daje slijedeće

### **MIŠLJENJE**

Uz Nacrt Zakona nije dostavljeno obrazloženje finansijskih efekata u smislu da li će donošenje ovog zakona iziskivati potrebu obezbijedenja dodatnih sredstava iz Budžeta Kantona.

Članom članom 5. stav 2. Zakona o budžetima u FBiH („Službene novine FBiH“, broj: 102/13, 9/14, 13/14, 8/15 i 91/15), propisano je da „propisi koji imaju finansijske posljedice na budžet moraju biti obrazloženi, odnosno opravdani analizom troškova i koristi“.

S obzirom da je Nacrtom Zakona predviđeno da se „sigurna kuća osniva u skladu sa Zakonom o ustanovama...“, izvjesno je da će to iziskivati dodatna finansija sredstva u odnosu na postojeću organizaciju sigurnih kuća kao udruženja građana.

Podsjećamo da je u prethodnom periodu Federacija BiH bez dovoljnih (a često i bez bilo kakvih) konsultacija sa kantonima donijela niz propisa kojima su nametnute dodatne nadležnosti i finansijske obaveze kantonima, a nametanje navedenih obaveza nije bilo praćeno izmjenom (tj. povećanjem) visine učešća kantona u raspodjeli prihoda, čime su kantoni dovedeni na rub bankrota, a što je suprotno članu 3. stav (2) Poglavlja III. Ustava FBiH, gdje je propisano da se «oko zajedničkih nadležnosti, kantoni i federalna vlast dogovaraju na trajnoj osnovi».

Stim u vezi, smatramo opravdanim da Federacija BiH istovremeno ishodi i odgovarajuće Izmjene i dopune Zakona o pripadnosti javnih prihoda u Federaciji BiH, kojima bi se osiguralo veće i pravednije učešće Zeničko-dobojskog kantona u raspodjeli sredstava ostvarenih po osnovu indirektnih poreza i na taj način omogućilo Vladi Kantona ispunjavanje njenih ustavnih i zakonskih obaveza, pa time i izdvajanje većeg iznosa sredstava za sigurne kuće.

Imajući u vidu navedeno, Ministarstvo finansija u principu podržava preciznije zakonsko uređenje načina finansiranja sigurnih kuća, pod uslovom da to ne dovede do dodatnih izdvajanja sredstava iz Budžeta Kantona.

S poštovanjem!

**Dostavljeno:**  
1x Naslovu,  
1x a/a.

**MINISTAR**

*Andrej Kajić*



**ZENIČKO-DOBOJSKI KANTON**  
**VLADA**  
**n/r Premijera**  
**n/r Sekretara**

Broj: 09-02-23098-2-1/15  
Zenica, 28.01.2016. godine

**PREDMET: Mišljenje na Nacrt Zakona o izmjenama i dopunama Zakona o zaštiti od nasilja u porodici, dostavlja se**

Skupština Zeničko-dobojskog kantona je aktom, broj:01-02-23098-2/15 od 06.01.2016. godine, zatražila mišljenje ovog Ministarstva na predloženi Nacrt Zakona o izmjenama i dopunama Zakona o zaštiti od nasilja u porodici („Službene novine Federacije BiH“, broj 20/13).

Nakon razmatranja dostavljenog Nacrta zakona, Ministarstvo za rad, socijalnu politiku i izbjeglice daje:

**MIŠLJENJE**

Ministarstvo za rad, socijalnu politiku i izbjeglice podržava predloženi Nacrt Zakona o izmjenama i dopunama Zakona o zaštiti od nasilja u porodici, kao i nastojanja da se ova oblast uskladi sa međunarodnim dokumentima i postojećom zakonskom regulativom.

Obzirom da nisu dostavljeni ekonomski pokazatelji o opravdanosti predloženog Nacrta Zakona, ovo Ministarstvo sugerira da predlagač Nacrta Zakona u daljnoj proceduri izvrši ekonomske analize o opravdanosti predloženog Nacrta Zakona.

**Dostavljeno:**  
1x Naslov  
1x a/a

**MINISTAR**  
**Nurđehan Šahinović**